

付法藏因緣經

才二

四百卅一  
飛二

51006

11



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



付法藏因緣經卷第二

後魏世沙門吉迦夜共曇曜譯

飛

摩訶迦葉垂涅槃時以最勝法付囑阿難而  
作是言長老當知昔婆伽婆以法付我我年  
老朽將欲涅槃世間勝眼今欲相付汝可精  
勤守護斯法阿難曰諾唯然受教於是阿難

演暢妙法化諸衆生然其宿世有大  
功德智

慧淵廣多聞博達佛所咨嗟揔持第一  
悉能

聽受諸佛法藏如大巨海百川斯納名稱高

遠衆所知識如是功德不可窮盡我當隨順

說其因緣乃往古世阿僧祇劫定光如來時

為沙門畜一沙弥常令讀誦日夜誠勅無有

( )  
休廢若經少闕即便呵責時此沙彌為師乞食若少稽留經不充限極為其師之所罵辱於是沙彌甚為愁惱為師乞食且誦且行時有長者恠而問之沙彌荅曰吾師嚴峻令我誦習乞食稽留則不充限以是事故每行讀誦長者荅言勿生憂苦從今以後常相供給宜當精勤誦習經典時此沙彌不復行乞專心誦讀從此以後經常充足尔時沙彌即世尊是施食長者阿難是也以斯福緣阿難比丘智慧深妙摠持強識多聞弘廣不可稱記至婆伽婆成無上道宣暢妙法化諸衆生於是阿難即自思惟世間牢獄不可愛樂五欲

如幻無有堅實甚可畏惡過於毒蛇盛年勇  
壯顏容姿美悉為老病之所殘害無常迅駛  
如瀑河流吞滅一切恩愛集會古昔諸王威  
德自在為無常風之所吹壞憂悲衰惱衆苦  
相續愛羅刹女常欺衆生我當云何得免斯  
難復作是念如來世尊神智超世本從釋氏  
出家學道我今應當往為弟子即至佛所求  
哀出家佛言善來便成沙門尔時如來即為  
說法所謂施論戒論生天之論欲為不淨出  
要最善意即開解成須陀洹佛於後時心念  
侍者時憍陳如即往佛前求為給侍佛言憍  
陳如汝年老邁須人瞻視云何為我而作給

侍如是五百大弟子咸至佛所求爲侍者皆  
不聽許禮佛而退時目捷連以他心智觀如  
來心在阿難所如日初出光照西壁與諸比  
丘告阿難曰佛須仁者以爲給侍宜可速往  
禮覲勝覺阿難言曰如來威德猶如大龍今我  
穢弱不敢奉命諸比丘言阿難當知世尊專  
心唯在仁者當速奉覲不宜久停阿難敬諾  
即求三願如來故衣願勿與我所有遺食願  
賜餘人進現時節隨我裁量三願若遂乃當  
受教時諸比丘往世尊所稽首作禮具陳上  
事如來歎曰善哉阿難有大智慧善知時宜  
不但今日久遠亦然汝等善聽吾當宣說乃

往過去阿僧祇劫有王治世任婆翅城於此  
城中有婆羅門名俱樓陀聰明博達天才超  
世國人居士皆悉宗敬多饒財寶百千萬億  
無子紹繼每懷憂惱請祈諸天經十二年最  
大夫人便覺有娠日月已滿生一男兒身紫  
金色顏貌端正相師占曰福德此子即爲立  
字号曰大施年漸長大求父出遊父即勅令  
嚴治道路燒香散華作衆伎樂大施於是出  
外遊觀即於前路見有乞人著弊壞衣卑言  
求哀大施問曰何故若此乞人荅言我本孤  
貧病苦所逼身命既切是故行乞大施聞之  
慘然歎曰群生之類一何可愍愚癡蔽心沉

設五欲爲老病死之所惱害方於其中坦然  
快樂不修善業受斯惡果恠哉大險甚可怖  
畏小復前行見有屠獵羅縠飛鳥耕墾魚捕  
多所傷害大施問言何故若此諸人荅曰我  
祖父來素爲斯業仰此濟命兼供王役一旦  
捨之便當貧乏大施聞之益增傷感便自思  
惟興大悲意哀哉衆生愚無慧日久積罪業  
貧窮羸劣處大黑闇甚可怖畏今復更造如  
斯惡業殺害衆生斷他愛命惡業增長不善  
滋息輪迴五道何由得出我今宜當方便救  
護生死惱熱爲作清涼作是念已即入大海  
詣龍王宮求如意珠見一金城光明赫奕毒



地圍繞不可得近即入慈定履上而過龍王  
出迎禮拜恭敬相慰問已俱共入宮問言仁  
者何故至此大施荅曰閻浮提人爲貧窮故  
極多傷害命歿必當生三惡道我愍彼故歷  
險來此求如意珠欲免其苦願見遺給利益  
衆生龍王曰善不違來教願少留停爲我說  
法大施許之任經四月演暢諸法名字本末  
次第隨順解其句味龍王至心聽受思惟問  
訊起居甚得時宜進現時節而自裁量過四  
月已大施辭退龍解髻珠而用與之因發誓  
曰大士慈悲甚極弘廣必當得成自然正覺  
願我得爲多聞弟子於是大施以如意珠兩

衆七寶閻浮提人皆悉安樂修行十善命終  
生天比丘當知尔時大施即吾身是彼時龍  
王阿難是也在龍王中尚知時宜況於今者  
而不通達於是阿難給侍如來善能隨順聞  
持法藏初無漏失逮及世尊於雙樹林垂般  
涅槃問憍陳如阿難所在荅言今在娑羅林  
外爲諸魔衆之所擾亂深入邪網甚大苦惱  
除佛如來無能救護文殊師利白佛言世尊  
此大衆中有諸菩薩於無量劫發菩提心久  
修願行得不退轉如是等比善能受持諸佛  
法藏何緣顧問阿難所在佛告文殊阿難比  
丘事我來久初無過咎具足成就不可思議

所聞之法善能受持譬如瀉水置之異器爲  
諸衆生所共瞻仰是故我問阿難所在今去  
此會十二由旬爲諸魔衆之所惱亂汝持我  
呪往彼解之文殊師利即至魔所說陀羅尼  
魔聞是已即放阿難與文殊俱來至佛所誓  
首禮敬却坐一面尔時世尊於中後夜入般  
涅槃一切天人大設供養豐纏闍毗其事都  
訖摩訶迦葉與諸羅漢於王舍城欲集世眼  
阿難尔時猶在學地以漏未盡不預聖衆時  
有比丘名婆闍弗即以偈頌而覺悟之  
勝哉多聞士 安靜林樹間 當觀一切法  
虛僞不堅牢 生死多過患 涅槃最清淨

瞿曇子宜應 勤修無漏行 如是當不久  
必受第一樂

阿難聞已竟夜經行雖加勤苦不得羅漢身  
體疲懈便欲眠息頭未至枕得無著果三明  
無礙六通清徹即便飛往寶鉢羅窟在門外  
立而說偈言

多聞辯才 給侍正覺 瞿曇阿難 今在門外

尔時迦葉說偈答曰

汝若盡眾苦 棄捨煩惱擔 宜應現神力

今眾咸證知

於是阿難即以神通從石壁入禮眾僧足隨  
次而坐受迦葉命演集勝眼乃至迦葉入涅

槃時共阿闍世王至雞足山燒香散華讚嘆  
供養王言仁者如來迦葉入般涅槃自我多  
殃悉不覩見尊若滅度唯願垂告阿難曰善  
敬承來教於是遊行宣暢妙法化諸衆生皆  
令度脫最後至一竹林之中聞有比丘誦法  
句偈

若人生百歲  
而得覩見之

不見水老鶴

不如生一日

阿難聞已慘然而歎世間眼滅何其速哉煩  
惱諸惡如何便起違反聖教自生妄想無有  
慧明常處癡闇永當流轉生死大海爲老病  
死之所惱逼便語比丘此非佛語不可修行

汝今當知二人謗佛一雖多聞而生邪見二  
不解深義顛倒妄說有此二法爲自毀傷不  
能令人離三惡道汝今當聽我演佛偈  
若人生百歲 不解生滅法 不如生一日  
而得解了之  
尔時比丘即向其師說阿難語師告之曰阿  
難老朽智慧衰劣言多錯謬不可信矣汝今  
但當如前而誦阿難後時聞彼比丘在竹林  
下猶誦前偈即問其意荅言尊者吾師告我  
阿難老朽言多虛妄汝今但當依前誦習阿  
難思惟彼輕我言或受餘教即入三昧推求  
勝德不見有人能迴彼意便作是言異哉無

常甚大雄猛散壞如是無量賢聖今諸世間  
皆悉空曠常處黑闇怖畏中行邪見熾盛不  
善增長誹謗如來斷絕正教永當沉沒生死  
大河開惡趣門閉人天路於無量劫受諸苦  
惱哀哉世間深可矜愍今此比丘我躬爲說  
反納邪言不受吾教我當向誰說如斯事世  
間衆苦不可願樂此身不堅腐敗危脆猶如  
聚沫須臾變滅端正容貌甚可愛著衰老旣  
至將安所在覆以薄皮謂爲嚴飾膿血內流  
惡露不淨有爲無常甚大迅速一視息頃四  
百生滅譬如虛空震雷起雲暴風卒起尋便  
散滅五欲不堅亦復如是共相恩愛安隱快

樂無常既至誰有存者世間衆苦甚難久居  
我於今日宜入涅槃又吾大師及同梵行如  
是之等皆悉滅度我於今者豈宜久停復作  
是念阿闍世王與吾有要我宜應當至彼語  
之即詣王宮告守門者爲我白王阿難在外  
將欲涅槃故來相見門人荅曰王今眠睡若  
覺寤者罪我不少阿難語言王若覺者宜可  
爲我具宣斯意阿闍世王夢蓋莖折即便驚  
寤門人向王具宣上事王聞是已悶絕躡地  
冷水灑面良久乃蘇發聲號哭哀動天地槌  
育叫喚生大憂苦而作是言嗚呼恠哉世間  
眼滅三界苦惱誰當勉濟昔日世尊慈悲深



厚爲諸衆生作大依止自入涅槃世間孤露  
摩訶迦葉有大名稱次補如來演法教化而  
復滅度法輪衰損瞻仰阿難猶如日月今入  
涅槃更何恃怙法水清淨洗滌塵勞誰復頌  
宣饒益一切是諸衆生常有渴愛誰澍法雨  
充足之者三界群生永當流轉受諸苦惱何  
有窮竟魔王歡喜大得眷屬善法漸盡諸惡  
熾盛即問門人阿難所在園神白王向毗舍  
離即嚴四兵往恒河側阿難乘船在河中流  
王即直進稽首白言三界明燈已棄我去今  
相憑仰願勿涅槃阿難默然而不許可於時  
大地六種震動時雪山中有五百仙見斯相

已咸作是念以何因緣有此異相觀見阿難  
將欲滅度即便飛空往詣其所誓首作禮求  
哀出家即化恒河變成金地爲諸仙人如應  
說法鬚髮自落成阿羅漢咸悉俱時入般涅  
槃阿難念曰佛記罽賓當有比丘名摩田提  
於彼國土流布法眼即便以法付摩田提踊  
身虛空作十八變入風奮迅三昧分身爲四  
分一分向忉利天與釋提桓因一分與大海  
娑伽龍王一分與彼毗舍離子一分授與阿  
闍世王如是四處各起寶塔燒香散華供養  
舍利摩訶迦葉垂涅槃時告阿難曰今以法  
寶用相委累長老於後若入涅槃王舍大城

有一長者名商那和修高才勇猛有大智慧  
已於過去深種善根故發意入海採取珍寶  
迴還願作般遮于瑟爲佛如來造經行處後  
當建立高門樓屋所爲旣訖可度出家如來  
法藏悉付囑之是故阿難臨當滅度而告之  
曰佛以法眼付大迦葉迦葉以法囑累於我  
如我今者涅槃時至以法寶藏用付於汝汝  
可精勤守護斯法令諸衆生服甘露味商那  
和修荅曰奉教我當擁護如斯妙法普爲一  
切作大明炬於是次宣無上法藥療煩惱病  
濟度群生其德高遠久修願行多聞揔持辯  
才無盡今當敷演彼功德聚乃往過去阿僧

祇劫商那和修時爲商主共諸賈客五百人  
俱欲入大海採求珍寶於其前路見辟支佛  
身嬰重病氣命羸惛與諸商人即便停任推  
求醫藥而療治之盡心承給無所乏少病遂  
除差體力充足是辟支佛著商那衣尔時商  
主以諸香湯浴辟支佛上妙氎衣而用奉獻  
白言大聖此商那衣極爲弊惡唯願受我所  
奉衣服辟支佛言施主宜知我以此衣出家  
成道復當著此而入涅槃商主聞之甚懷悲  
惱白言大聖願勿滅度宜可與我共入大海  
吾當終身供給所須衣服卧具病瘦湯藥辟  
支佛言不能入海我於今者欲般涅槃汝於

福田宜生深心未來必當獲大果報即飛虛  
空作十八變還就本座而入涅槃商主悲哀  
啼哭哽噎積諸香木而用闍毗收集舍利起  
塔供養因發誓曰願我來世值遇聖師復過  
於是使我所有諸功德聚威儀法式及以衣  
服如今此聖等無有異由斯願力甚大雄猛  
處於母胎著商那衣乃至與身俱共增長出  
家受戒得道涅槃是商那衣未嘗離體因即  
号曰商那和修如來昔遊摩突羅國見青樹  
林敷榮茂盛告阿難曰見此林不阿難言曰  
唯然以見佛言此是優留茶山吾滅度後當  
有比丘名商那和修於此山中起僧伽藍說

法教化多所利益商那和修既從海還大獲  
珍寶往詣竹林禮阿難足白言大聖我本入  
海願安隱還爲佛及僧設大施會今佛世尊  
爲在何處阿難荅曰已入涅槃聞是語已悶  
絕躡地以水灑面方得醒悟發聲號咷悲泣  
斷絕自拔頭髮塵土全身搥背大叫淚下如  
雨便作是言無常大惡壞斯寶聚世間孤露  
永無恃怙我何薄祐罪障深厚佛日明淨而  
不覩見永當沉沒三有苦海復問阿難摩訶  
迦葉大目犍連舍利弗等悉爲在不阿難荅  
曰皆以滅度既聞是語倍增憂感白言大聖  
我本入海願安隱還爲佛及僧設大施會我

於今者欲爲聖衆辦少微供唯願冥然而見  
聽許阿難荅言善哉長者能知世間不安危  
脆於勝福田起堅固業長者當知諸法無常  
無我我所譬如假借不可久保若汝欲得無  
上利者宜於福田起殷重業此之果報不可  
沮壞商那和修即便嚴辦爲般遮于瑟種種  
充足造經行處及門樓屋其事訖已阿難告  
曰汝爲財施最大希有今復宜當作於法施  
此施微妙甚爲弘廣勝於財施百千萬倍商那  
和修問言何名法施阿難荅曰於佛法中出家  
學道說法教化利益衆生是名法施商那和  
修荅言善哉甚適我願於是阿難度令出家

與受具戒白言大師我本生時著商那衣今  
當盡形受持此服作是語已得摠持力所聞  
之法未曾忘失成阿羅漢有大功德逮及阿  
難入涅槃後頒宣妙法饒益衆生阿難所持  
八万四千諸法藏門商那和修悉能憶念譬  
如瀉水置之異器彼能受持亦復如是以真  
淨法遊行教化最後次至摩突羅國於曼陁  
山欲起住處時彼山中有二龍子毒害熾盛  
不可擾近商那和修即以神力震動此山龍  
大瞋怒起惡風雨商那和修入慈三昧以定  
力故龍毒消滅即大驚怖生信敬心問言尊  
者有何教誨商那答曰佛記此山有僧住處



是故我欲於中建立龍子白言若實佛記善  
哉相聽商那和修即於彼山營建住處禪室  
經行皆悉具足內外空閑無諸憤鬧造住處  
已便作是念佛記屬賓安隱豐樂國土閑靜  
離諸妨難清涼少病甚可經行我今應當至  
彼處耶即便飛空往屬賓國入定歡喜而說

偈言

常著商那衣

成就五支禪

山巖空谷間

坐禪而念定

風寒諸勤苦

悉能忍受之

心善得解脫

智慧自莊嚴

猶如空野象

坦然無憂患

時優波瓠多有五百弟子猶處生死不得解

脫心生憍慢甚大貢高優波鞠多即入三昧  
觀此諸人與已無緣唯有吾師乃能化度便  
至心念商那和修商那和修即以神力如大  
鵝王從空飛來至其所止優波鞠多行至餘  
處唯諸弟子而獨見之商那和修衣裳麁弊髮爪  
長利至優波鞠多房坐其座上優波鞠多弟子咸  
生瞋忿是何弊人處我師座即欲驅逐使令  
出外如須彌山不可傾動欲出惡言口自噤  
閉即共相將至優波鞠多所白言大師有老比丘  
形容憔悴到師座處加趺而坐優波鞠多念言自  
非吾師無能坐者至房便見商那和修頭面  
著地稽首作禮弟子念言師雖爲禮盛德勝

之商那和修知其弟子憍慢未息手指虛空  
便下香乳如高山頂懸泉流注問言優波翹多是  
何定相優波翹多即入三昧深心觀察不能  
曉了即問其師是何三昧商那和修答言此即名  
爲龍奮迅定如是次第五百三昧問其名字  
都不了知商那和修一一爲說翹多白言我  
之所得盡從師受唯是三昧我非其器翹多  
當知如來三昧諸辟支佛不識其名緣覺三  
昧一切聲聞莫能解了大目犍連舍利弗等  
所入三昧其餘羅漢不能測度吾師阿難三  
昧定相我悉不知今我三昧汝亦不識如此  
三昧我涅槃後皆隨吾滅七万七千本生諸

經滿足一萬阿毗曇藏凡有八萬清淨毗尼  
如斯之法亦隨我滅是故邈多如來滅後賢  
聖隱沒如是法藏漸當衰損乃至末後一切  
都盡汝今應當勤加守護時諸弟子方自悔  
責我無智慧輕慢大聖始知吾師定不及彼  
於是商那和修即爲說法五百弟子得羅漢道  
爾時尊者商那和修於諸衆生所應作已飛騰  
虛空作十八變還就本座而入涅槃優波邈  
多與諸眷屬積諸香木以火耶旬收取舍利  
起塔供養

付法藏因緣經卷第二

瞽留

上音

嚴峻

下音

老邁

下音

婆翅

下音

智弊

反毗祭

坦然

罕上他

羅縞

犬下俱

耕墾

下音

訊

信音腐敗

父上音

危脆

歲下取

搥脅

下上直

追

恃怙

市音洗滌

的徒

澍

剝賓

例上居

奮迅

下上音

糞

反般遮于瑟

下上音

賈客

古上音

身嬰

下上音

羸

沮

燬

突

號吡

全

沮

壞

憤

翹

渠

噤

閉

其

測度

徒各

夕

六

反

禁

反

下開

上昌力反

上六反

上其反

上才反

俱反

姝反

夕上反

渠反

噤反

閉反

其反

上力垂反

徒音

骨反

二古反

音全反

蒲反

悶反

沮反

二音

徒反

注音

例上居

下上音

下上音

音糞

反毗祭

罕上他

犬下俱

下上直

追反

下音

訊

反毗祭

罕上他

犬下俱

下上直

追反

下音

訊

訊

